

Date – 06/02/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. VC/LC inthlan atan political party ten campaign beihpui an thlak mek.
2. Delhi Assembly inthlan nimina neih zawh takah vote zaa 60 a tla.
3. Union Home Minister Amit Shah hoin nimin khan Jammu and Kashmir-a venhimna dinhmun thlirho a ni.
4. World Armwrestling Cup, Taskent, Usbekishtan-a final khelh ah Denic Lalruattluanga chuan 80kg category-ah silver medal a la.

<><><>

MPCC

MPCC President Pu Lal Thanzara chuan Village Council inthlan inbuatsaihna hun hmangin Thingdawl, Bualpui, Kawnpui leh Lungdai khuate a tlawh a.

Pu Lal Thanzara chuan, Kolasib tlangdung leh Mizoram hmun hrang hrangah ZPM sorkarin an lei sak ang an tih thlai chingtuten an thlai chin sorkarin a rate an tihchhiat sak vek avangin Hmunphiah an hralh thei lo a ti a. Chutih laiin ZPM sorkarin buhfai za-ah za an tih to avangin ration buhfai lakna pawisa pawh nei lovin mei-alh enin an awm a. Lalna leh thuneihna chan an duh avanga Mizoram mipui bumin retheihna khurah Mizoram mipui an hruai lut a. An nawmsakna atan mirethei te lu chung a vaivut pawh an it tawh a. Ram mipui manganga rum tirtu ZPM sorkar hian miretheite enkawltu Pathian pawh an sawi a ni, a ti.

Pu Lal Thanzara chuan, thil reng reng a chhe thei ang bera chhuah a, sorkar kal tawhah kawng a chhia tia phun phun thin ZPM sorkarah Thal laia lirthei neitute nawrh ngai khawpin kawng a chhia tih sawiin, Mizoram mamawh lakna kawng a chhiat em em laiin Kuhva leh ruihhlo tawlhna kawng erawh a tha em em si hian sorkar kal sual neih pawizia leh mangan thlakzia a tichiang hle a. Hna pawh thawk hman lovin thu belhchian dawl lo an sawi tam lutuk sawifiah reng rengin an hmanhlel mai mai a ni, a ti.

VC leh Local Council tha neih a ngai tih sawiin, Pu Lal Thanzara chuan VC tha a awm loh chuan khawtlang tha a awm thei lovang. Khawtlang tha a awm loh chuan chungkua leh Kohhran nun thlengin a tuar dawn a. ZPM sorkarin an duh duha an kawih hera an in haivur bikna tur an duh avanga khawtlang roreltu te inthlan lo ngai ta hian Congress Party a kai harh a, ZPM leh MNF unau te'n Congress Party nasa takin an zawm phah ta zawk a ni a ti.



ZPM

VC Election Campaign a chhuak mek ZPM Party Adviser, Pu Lalthazuala Rawite, MIFCO Chairman ni bawk leh Pu Vanlalneiha Ralte Secretary General ZPM Gen Hqrs te chuan Thenzawl leh Serchhip ah VC Election campaign beihpui an thlak mek a. Ram siam tha tak tak tur chuan LC/VC level thlenga Kalphung thar mipui sorkar rilru pu mi khawtlang hruaitu mamawh anih thu an sawi.

Pu Lalthazuala Rawite chuan Bana kaih handholding (Scheme) hmangin kuthnathawktute leh mahni kut ke hmanga eizawn tumte leh kalpui mek te khai chhuah an tum mek a, chuvangin VC level thlenga ZPM Policy tuipuitu VC an mamawh ta hle a ni, a ti a. MIFCO pawhin lakhuihthei, Sapthei leh Serthlum lei turin hma a la mek a, Rawtuai leh baibing te pawh a tina siam chhuah an tum mek a ti a. Ram an hmangaiha, Sorkar hmasaten hun an lo khawhral tawhte kha an ui em em a, mahse hnunglam thlir lovin hmalam an thlir a, vision mumal tak neiin Chief Minister Pu Lalduhoma kaihhraina hnuaiha an kal mek a ni," a ti.



MNF PRESS CONFERENCE

MNF chuan Mizorama VC member sanghnih zali chuang leh LC member zathum sawmruk chuangte hun thla ruk chuang zet chhuhsak chu engti kawng maha sawi mam theih a ni lo a, Khawvela thleng ngai lo thutlukna nunrawng tak a ni, an ti.

He thu hi nimina Aizawl Press Club-a thuthar thehdarhtute an kawmna ah sawiin MNF Legal Board Secretary David R Lalsawmtluanga chuan ZPM sorkarin VC te chu party dang an nih avang ngawta a dissolve na High Court - in a hnawl sak hriat in ZPM sorkarin lalna leh thuneihna an duh zia a nemnghet zel a ti a, VC thiah takte thiah chhan nen, thutlukna siam chhan in ang, itsikna leh lalduhna atanga lo chhuak ve ve niin a lang a, Zirlai naupangte exam hun lai, chhungtin kan buai em em lai taka VC leh LC inthlan hun an han ruat tlatte hi mak kan ti a, Zirna ngaihsak miah lo sum leh thuneihna atchilh sorkar dik tak a ni a ti.

Pu David Lalsawmtluanga chuan Champhai leh Khawzawl District-ah ringawt VC 5, Ngur, Hnahlan, Thekpui, Zawsei leh Sialhawk VC te awm tha hle hle lai an namthlu ringawt a ti a, an sorkar tuk lawkah Ngur VC an thiat a, mipui court-ah ZPM sorkar duh dan takin Bye election hmanga fiah a ni a, itsikna nena an thiah tak MNF Party tho chuan mipui khawngaihna dawngin hnehna sang tak neiin VC an siam tawh a. Tihsual nei pawh ni loa itsikna leh lal duhna vang ringawta namthlukte an nih avangin VC pathumte chu High Court-ah an zualko leh a. Dikna tiang hmangin Gauhati High Court, Aizawl Bench chuan Hnahlan leh Thekpui VC chungchang a ngaihtuah fel a, VC thiah dan hi leilung pianken rorelna dik, Principles of Natural Justice kalh a ni tih High Court chuan sawiin, VC thiahna thupek chu a sut nghal a, a hnawl bakah heng VC te hian an hna pangngai an chhunzawm lehngal theih nana hma la turin sorkar thuneitute a hriattir nghal bawk a ni a ti.

Hetiang High Court thupek awm reng chung a thuneihna an la hlan let duh lo hian High Court an zah lo hle tih leh lalna leh thuneihna atchilh an nihzia a tilang chiang hle baw k a, rang taka Court thupek anga VC te thuneihna hlan let vat turin an phut tih a sawi a ni.

MNF Legal Board Secy sawi danin tun hnaia Food Civil Supplies and Consumer Affairs Department thuchhuahin chhungtin Ration Card-ah e-KYC ti vek tur leh tun thla chhunga ti hman lote chu ration card atanga paih vek tura Mizo mipuite an vau chu paw i an tih thu sawiin mipui rorelna langsar taka a beih chhonzawm niin a sawi baw k.

<><><>

VOICE OF YOUTH: TUKRAM RIMAWI

Akashvani Aizawl buatsaih Voice of Youth : Tukram Rimawi Musical Concert chu nimin khan Operation Kingdom Ministry (OKM) Home Phunchawng ah hman a ni.

Tukram Rimawi hi Director leh Mizoram Cluster Head Pu DR Lalropuia chuan a hmanpui a, thusawiin Director chuan Radio lungphum mipuite hrilh hriat, zirtir leh an duhzawng chhawpchuah ani a ti a, kalkhawmte chu hlim taka hun hmang tura chahin Viksit Bharat hlawhtlin nan hrisel taka dam rei a pawimawh tih a sawi.

He hun hmanah hian Asst Director, News Pu Gin Gangte, Asst Director, Program Pu Samuel Z. Hrangate chuan hman puiin Programme Executive Youth Forum Section Pu NH Ringa Tara te an tel a, Mi 400 vel he hunah hian hun an tel a ni.

Akashvani Aizawl Musical Programme Tukram Rimawi ah hian thusawi hrang hrang bakah zaithiam lar tak tak ten zaiin kalkhawm te an awi dawn a ni.

<><><>

MSU

Mizo Students Union hruaituten MSU hmalakna hrang hrang awm turah thawhho pui turin Health & Social Welfare Minister Pi Lalrinpuii an sawm.

MSU hruaitute hian nimin khan Minister Pi Lalrinpuii hi vawiin khan a pisaah hmuin Mizoram sorkarin Mizoram quota-a MBBS zir tura a sponsor ten an intiamna anga sorkar hnuiaia an thawh tur hun chhung an thawktha leh duh lo thin chu paw i an tih thu an thlen a, hetiang mahni thutiam hlen tha duh lo an awm thin hi paw i an tih thu leh na taka action la turin an ngen a ni.

Naupangten aganwadi a eitur an dawn thin chu hun kal tawhah sawisel a hlawh thin avangin, a hrisel leh eitlak chauh naupangten an dawn theih nan supplier thlan kawngah fimkhur turin an ngen a, ruihhlo do kawnga social welfare hnathawh te chu tha an tih avangin Minister hi lawmthu an hrilh bakah, Mizo thalai te tichhetu ruihhlo do kawnga awareness MSU-in a neih turah thawhho puia h an sawm baw k a ni.



MZP

Mizo Zirlai Pawl, MZP chuan nimin khan Economics Dept. zirtirtu Dr. Akshaya Kumar Mohanty chungchanga zirlaite atanga complain an dawn bawhzuiin MZU Vice Chancellor an hmu a, Economics zirtirtu in hrehmna a hmuh ngei theih nan leh tun thla February thla chhunga hmalakna a awmlo anih chuan MZP in hma an la dawn tih an sawi.

MZP thuchhuah tarlan danin Dr. Akshay Kumar chungchanga nikum June ni 16 ah Registrar kaltlanga zirlai 20 chuanguin amah complaint na lehkha an thehluh bawhzuina report engmah ala awmluh bakah, zirlai tam tak amah avanga rilru lama harsatna tawk hial leh kutthlak hial a neih thu hriat chuan MZP rilru a ti na hle an ti a, Economics zirtirtu Dr Akshay-a chu Mizoram University a thawk reng tlak ah an ngai lo tih sawiin zirlaite hmakhaw ngai a, a rang thei ang bera hma la turin Vice Chancellor an ngen thu an sawi a, zirlaite harsatna thlenna hmun Students Grievance Redressal Committee (SGRC), Mizoram University in hmalâkna report an la neilo chu hriatthiam har an ti hlê an ti tih sawiin February thla chhunga hmalakna a awmluh chuan MZP in hma an lak chhunzawm dawn tih an sawi bawk.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.



DELHI ELECTION

Delhi Assembly inthlan nimina neih zawh takah vote zaa 60 vel a fla. Nimin zing dar 7 atanga tlai dar 6 thlengin Member 70 awmna Delhi Assembly inthlan vote thlak a ni a. Inrinniah vote tla te hi chhiar a ni ang.

Inthlanna felfai leh tluang tak neih anih theih nan ruahmanna siam a ni a. Polling booth sing 1 sang 3 leh 700 chuang siam a ni a. Heng zinga Polling Station 70 hi hmeichhiaten an enkawl a ni a. Election Commission chuan inthlan buaipui turin mi nuai khat leh sing riat chuang a ruat a ni.

Delhi Assembly ah hian vote nei vaibelchhe 1 leh nuai 56 chuang an awm a. Tun tum inthlan hi kil thum atanga inchuh niin BJP, AAP leh Congress Party ten inthlan hi an chuh a. Candidate 699 an awm a. Candidate langsar zingah Aam Aadmi Party National convenor Arvind Kejriwal, Delhi CM Atishi, leh Delhi Minister Gopal Rai, BJP atangin Vijender Gupta, Pravesh Verma, Ramesh Bidhuri, leh Kailash Gahlot. Congress atangin Sandeep Dikshit, Haroon Yusuf leh Alka Lamba-te an tel a.

Vote thlaktu langsar zingah President Droupadi Murmu, Vice President Jagdeep Dhankhar, Chief Justice of India Sanjiv Khanna, Union Ministers Dr

S Jaishankar,leh Hardeep Singh Puri, Senior Congress leader Rahul Gandhi, Chief of the Army Staff General Upendra Dwivedi, Delhi Lieutenant Governor Vinai Kumar Saxena, leh Delhi Chief Minister Atishi te an tel a ni.

<><><>

UNION HOME MINISTER

Union Home Minister Amit Shah hoin nimin khan Jammu and Kashmir-a venhimna dinhmun thirho a ni. New Delhi-ah inhmuhkhawm hi neih niin Union Home Secretary Govind Mohan, Army Chief General Upendra Dwivedi leh sawrkar mi pawimawh dangte an tel a.

Thla hmasa khan inhmuhkhawm hi lo neih tawh niin Union Home Minsiter chuan venhim hna thawktute chu firfiakte lakah zahngaihna lantir lo turin leh Jammu & Kashmir-a firfiakte nuaibo tura theihtawp chhuah turin a ngen a ni.

<><><>